



Газет 2001-йисан  
ноябрдилаы акъатзава

# Эренлардин СЕС

*РД-дин Докъузпара райондин общественно-политический газет.  
Общественно-политическая газета Докузпаринского района РД.*

№21 (950) 20-май, арбе, 2020-йис. Газетдин са экз. къмет киоскрай - 13 манат

## Гъуьрметлу Докъузпара райондин агъалияр!

За квез алу къзавай экуь ва шад сувар - Ураза-байрам мубаракзава! И йикъара инсанри ахлакъдин ми хъивиликай, шафакъатлувиликай, амайбурун гъаларикай, абурун къайгъуйриз гъахъуникай, куьмекар гуникай фикирзава. Ида гележегдиз хъсан умудар тухузва. Къуй Ураза-байрамди куь къуватар, гъевеслувал регъимлу крарин рекъе куькъда турай. Инанмиш я, райондин агъалийри чи вилик акъвазнавай месэлаяр гъялуниз пешекарвилини рейсавилелди жаваб гуда.

И чъехи суварин юкъуз заз гъар са къвализ регъим, къулайвал, ихтибарвал гъахъна къанзава. Къуй куь уьмуьрдин рехъ гъамиша регъимлу краралди лишанлу хъурай! Квехъ чандин сагъламвал ва умудрин экуьвал хъун зи мурад я!



Вахтуналди "Докъузпара район" МР-дин къилин везифаяр тамамарзавайди тир Агъмед АГЪМЕДОВ

## Суварихъ галаз алакъалу тебрик

Гъуьрметлу докъузпаравияр - мусурманар!

За жуван ва гъакъ чи "Эренлардин сес" газетдин коллективдин патай риклин сидкъидай квез алу къзавай пак тир Ид аль-Фитр (Ураза байрам) сувар тебрикзава!

Мугъаммад Пайгъамбардин, Аллагъдин патай салам ва хийир-дуьа хъурай адаз, гъадисда лугъузва: "Рамазан - им Аллагъди инсанрин хиве тунвай сив хуьнин варз я. Адан гъакъиндай за квез вири тамамвилер

агакъарнава. А варз тирвал сив хвейи гъар вуж хъайитлани, дидеди накъ хайи таза аял хъиз гунагърикай ми хъи хъжеда".

Рамазан вацраз гъуьрмет авур вири мусурманриз за чухсагъул лугъузва. Рамазан вацра чна хвейи сивер ва авур хъсан крар къуй Аллагъди къабулрай.

Чун - мусурманар, вири инсанар патал намуслувилини, сабурулувилини ва ми хъивилини чешне хъана къанда. Чи къунши вири халкъарихъ галаз чна дуствилини

муькъвер эцигна къанзава. Чи къилин макъсад - им ислягъвал ва саламатвал хуьн я. Мусурманар сада-садаз куьмек гуниз, гъуьрмет авуниз ва сад хъуниз мажбур я.

Пак тир Рамазан варз чун патал руьгъдин ми хъивилини варз хъана. И пак йикъара дуьньядин миллиардилай гъаф мусурманри куплар ийиз ва сивер хуьз вахт акъудна, Пак тир Къуръан къелна. Рамазан - им пис крар туна хъсан



красал машгул жезвай ва Аллагьди гунагърилай гъил къачузвай варз я.

Гъурметлу мусурманар, суварин юкьуз хизанриз ва багърийриз гзаф фикир желб ая. Чи уьлкведин Президент В.Путина ва гьакъи чиндин регъбер, Дагъустандин Муфтий Агъмад афандиди меслят гъизвайвал, коронавирус азар чукулун тавунин мураддалди алукузавай пак тир Ураза байрам сувар гъар сада вичин къвале къейд ая. Гьакъикъатда, сифте нубатда гъар сада вичин ва хизандин чанар хвена кланзава, амай шартлар къвед лагъай чкадал ала. Акъ хъайила, чакай гъар садан хиве, сифте нубатда, жуван чандин сагъламвал хуьн ва адалай къулухъ амай инсанрин хатасузвили рекъай жавабдарвал гъатзава.


Къуй Аллагьди куьне хвенвай сивер, авунвай куплар, ганвай садакъаяр ва дуьаяр къабулрай.

За квез ва куь хизанриз рикъин сидкъидай мягъкем иман, руьгъдин клубанвал, хизандин хушбахтвал, чандин сагъвал ва дуланажагъдин хъсанвал хуьн тлалазва. Амин.

А. ЭМИРСУЛТАНОВ,  
"Эренлардин сес" газетдин къилин редактор



## Коронавирусдин шартлара Владимир Путина хизанриз куьмекдин гъаларай серенжемар тайинарна



Россиядин Президент Владимир Путин ислендин, 11-майдин юкьуз Россиядин агъалийрихъ элкьвена рахана, ада Правительстводи уьзуьрди агъавалзавай шартлара бизнес хуьниз гъихътин серенжемар къабулзавагъла, суьгъбетна. Идалай гъейри, куьмекдин къезилвилер Россиядин агъалийриз - аялар авай хизанриз, жергедин инсанризни ийида.

Малумат гудай вахтунда гъукуматдин Къили къейдна, уьлкведин гражданриз къевезвай

куьмек гун чарасуз я. Къилди къачуртла, игътияж авай хизанриз, яшайишдин кларцелай (прожиточный минимумдила) агъуз къазанжияр авайбуруз, са вахтунин куьмек яз, июндин вацра 33 агъзур манатдин къадарда аваз са аялди куьмек яз гуда. Амни, алукудай зур йисан гъар са вацран хизандив агакъзавай пулунин къадарди килигна, гъахъ-гъисабдал гъизва.

Идалай гъейри, пудалай 15 йисан яшдалди къведай аялар авай хизанри са сефердин куьмек яз, гъар

са аялдин къилиз 10 агъзур манат пул къачуда.

Гъукуматдин Къили пуд йисалди къведай аялар авай хизанриз куьмекдин пулар гунин шартли тайинарна. Ахътин пуларин къадарди 5 агъзур манат тешкилда ва пуд вацран муддатда, абур гъар са вацра гуда. В. Путина аялриз гузвай куьмекдин пулар къве сеферда хкажунин рекъайни- 3750 манатдила 7500-ев агакъдалди теклиф гана. Ада къейдна, алай вахтунда пособидин агъа кланин къадар 3375 манат я. Путина адан рекъем 7500 манатдив агакъарунин рекъайни теклиф гана. Ада гъакъни, винидихъ къейднавай пулдин гъакъияр къачуз жедай мумкинвилер авайбурувай жергеяр ахъцурун патал теклиф гана.

Гъукуматдин Къилин гафаралди, авай умуми муракабвилеризни килиг тавуна - (27 миллион россиядин аялри бицекрилай эгечна школьникарни кваз) къейднавай жуьредин пулар къачуда.

Шагъбала ШАГЪБАЛАЕВ

## Сулейман Керимова Докъузпарадин агъалийриз пулдин куьмекар гана

Идан гъакьиндай Инстаграм сетда авай вичин чина Дербент шегьердин мэр Хизри Абакарова ахъайна.

Адан гафарай, ингье са шумуд юкъуз Докъузпара райондин агъалийриз Сулейман Керимован патай пулдин куьмекар гана.

Докъузпара райондик 10 хуьр акатзава, абур Усугъчай, Къалажух, Авадан, Каракуьре, Цийи Каракуьре, Текипиркент, Къуруш, Миграгъ, Мискискар ва Къилер я. Районда саки 15 агъзур инсан яшамиш жезва.

Сенатордин тухумдин хуьрера - Каракуьреда, Цийи Каракуьреда, Текипиркентда ва Усугъчайда хизандай гъар са касдиз 20 агъзур манат, амма амай хуьрера - 10 агъзур манат пулар пайна.

Анжах Авадан хуьр мергъяматлувилин куьмекдикай хкатна, гьик хьи, ам дагъдин хуьр туш.

"Зун Сулейманахъ галаз дуствиле аваз ингье гзаф йисар я. Ада дугъузва, яни зи хайи хуьр Салта вич патал къвед лагъай ватан хъанва, гъавилий ада Салтадин агъалийриз



виридаз 20 агъзур манат пул паюн къетна.

Икъван гагъдани Салта хуьруьз Сулейман Керимова куьмекар ганва. Ада Салта хуьре мисклин ва экстрим-база эцигиз куьмек гана. Чна Сулейманан хайи хуьр Каракуьреда хъсан туриствилин чка тешкилун планламишнава. Каракуьредиз зун гзаф сеферда атанва. С. Керимова вичин хуьруьнвийриз пишкеш авур мисклин эцигунардайла за

гуьзчивалзавай. Гъакни сенатордин патай Шалбуздагъдиз экверин симер тухудайла, рехъ акъуддайла ва гостиница эцигдайла зи гуьзетдик кваз кьиле фена.

Каракуьре зун патал къвед лагъай ватан хъанва.

Къуй Аллагъди Сулейманан вири хъсан крар къабулрай ва Вичин регъимдик кутурай!", - кхъенва Х. Абакарован гафара.

А. ЭМИРСУЛТАНОВ

## Коронавирусдин аксина женг тухузвай врачрин зегъмет Сулейман Керимова къейдда

И кардин гъакьиндай Дербентдин мэр Хизри Абакарова Инстаграм сетда авай вичин чина хабар гана.

Къе зун Дербентдин центральный шегьердин больницада (ЦГБ-да) хъана. Ана алай вахтунда пневмониядик начагъбур патал госпиталь кардик кутуниз гъазурвал аквазва. Больницадин аялрин отделенидин корпус шартларихъ галаз къадай гъалдиз гъанва. Къилин врач Абдулкъафар Шихмегъамедовахъ ва шегьердин депутатрин Собранидин председатель Мавсум Рагъимовахъ галаз чун госпиталдин тайин чкадиз килигна, медперсоналдохъ галаз рахана. Госпиталда 145 касдиз талукъ

чкаяр ава. Ана "красная зона" ва "чистая зона" зулар тайинарнава. Сенатор Сулейман Керимован патай агакънавай медицинадин тадаракар эцигун давам жезва. Дезинфекциядин камера паталди больницадин сергъятра цийи помещение эцигзава, ам эцигунин вахт 10 йикъа агал жеда. Ана КТ-дин цийи аппаратни эцигда. Дербентда гъеле вахтунин муддатдалди 2 инфекционный больница къвалахдик ква. Абура пневмониядик начагъ хъанвай 104 пациент ава. Мадни, алава яз тешкилнавай госпиталда коронавирус азардик начагъ 14 кас сагъарзава. Амай пациентар Дагъустандин Огни шегьерда,

Падарда ва Белиджида кардик квай госпиталдиз тайинарзава. Вири идарайри алакъалу къайдада, сад хътин режимда аваз къвалахзава.

За больницадал къил члугъазвай вахтунда зи патав инсанар атана, абуру КТ ийидайла, пул тлалабзавайдакай, лагъана. Идан гъакьиндай врачдохъ галаз рахана. Ада жаваб гана: ахътин сесер акъудзавайбур врачрилай чпив направленияр гвачир пациентар я. За вири духтурриз эвер гузва: тлалабзава паклу Рамазан вацра коммерциядин краривай яргъа хъухъ, гъукуматдин больницадин сергъятра вуж куьмек тлалабиз



атайтлани, адан теклиф рази ая! Медикар, шаксуз, - чи вахтунин кьегьалар я. Абуру хаталу вирусдин аксина вилик жергейрин женгина ава. Гьавилий чна абурун зегьметдиз

кьесди тагун, эцигнавай дуьз кьайдаяр хуьн", - кхьенва Дербентдин мэрди. Хизри Абакарова хабар гана, Сулейман Керимова, са рахунни алачиз, врачрин зегьмет кьейд

ийида, ни коронавирсдин аксина женг тухванатла ва чпин кьуватар а кардал желб авунатла...

Шагьбала ШАГЬБАЛАЕВ

## Владимир Васильев: Дагъустанда кьвалецукьун исятда хьсан дережада ава



РГВК "Дагестандиз" гайн интервьюда чи республикадин Кьил Владимир Васильева Дагъустанда алай вахтунда кьвалецукьун (самоизоляция) хьсан дережада авайдакай хабар гана.

Статистикадин кьейдер чешнедиз гьайдала, ФОМС-дин

рейддалди, тарихдиз хьфизвай йисан апрелдин кьалурнар алатай йисан талукь вахтунин гекьгайла, пневмониядин вирусдин рекьяй 33,6 процентдин хкаж хьанва. Чна са жерге диагнозриз фикир гана, кьве мана гузвай дуьшуьш ава: "Covid-дик кьена", "Covid галаз кьена". Им

лагьай члал я хьи, инсан яргьалди члугур азардикди, коронавирс акатнани, акат тавунанни кьиникь мумкин я. И кар тайинарзавайди КТ-ди кьалурдай жигеррин гьал я. КТ-ди, ик инсан коронавирсдик кьенватла, адан жигердин, ивидин кьурулушдин ва маса органрин гьалар ярумчухдиз, ян тагана, дуьм-дуьздиз кьалурзава. Коронавирсдин статистикадикай рахун хьайитла, чакь дуьзгуьн ва тамам нетижаяр ава: 26 кас коронавирсдик вафат хьана, больницада сагьарунин рекьяй кьерех хьайибурун арадай пневмониядик, маса азарар себеб яз кьейибурун жергейра 481 кас ава. Ажал врачри гайи заключенидин бинедал алаз тайинарзава. 16-апрелдиз начагь хьайибурун кьадар садлагьана хкаж хьана. Рекьмар цувадалай 3 вишелди хкаж хьанвай. Кьвалецукьунин гьал, дережа хьсанарунай ада дагъустанвийрихь элкьвена рахадала, абуруз сагьрай лагьана.

## Закят-уль-фитр

Сив хуьдай варз куьтягь хьайила, мусурманриз сувар башламишзава. А юкьуз Исламди виридак шадвал кутазва, гьатта кесибарни кьерех туш.

Мугьаммад Пайгьамбарди, Аллагьдин патай салам ва хийир-дуьа хьурай адаз, лагьана: "А юкьуз абуру (кесибри) тлалаб тийидайвал садакьяр це". Гьавилий, Шариатди чи хиве закят-уль-фитр мажбур кьвалах хьиз, чи хиве туна. Аббасан хва Абдуллади, Аллагь рази хьурай вичелай, лагьана: "Сив хуьдай вахтунда авунвай герексуз гафарикай михьи хьун ва кесибриз садакья гун патал, Пайгьамбарди,

Аллагьдин патай салам ва хийир-дуьа хьурай адаз, чаз ахьтин закят гун ферз авуна".

Эгер сив хвенвай касди закят фитр тагайтла, ада хвейи север Аллагьди кьабулзавач. Гьадисда лугьзува: "Рамазан вацра хвенвай север чилинни цавун арада жеда, та закят-уль-фитр гудалди, адалай кьулухь цаварал хьфида".

### Мажбури шартлар

Закят-уль-фитр гун ферз я, яни чун тайин тир кьадар садакья гуниз мажбур я. Умаран хва Абдуллагьа, Аллагь рази хьурай

вичелай, Пайгьамбардин, Аллагьдин патай салам ва хийир-дуьа хьурай адаз, гьадис ахьайна: "Мусурманрин арадай итим ва дишегьли, азадди ва лукл талгьана, Рамазан вацра закят-уль-фитр гун гьар са инсандиз чарасуз я".

Эгер Рамазан вацран эхиримжи юкьуз, рагь аклайдалай кьулухь инсан рагьметдиз фейитла, адалай закят кьезва. Рагь аклидалди рагьметдиз фейитла, я туштла рагь аклайдалай кьулухь аял хьайитла, абурулай закят кьезвач.





زكاة الفطر

@ISLAMRU

## Закят-уль-фитр

Эгер мусурмандин хизанда суварин юкьуз ва йифиз къадардилай артух ризкъи аваз хъайитІа, абурулай закят къевезва.

### Закят нелай гуда?

Итимди вичелай ва нафакъадал алай ксарилай (хизандилай) закят гуда. Эгер аялар агьвал авачир ва буба кылел алачирбур хъайитІа, чІехи буба абурун паталай закят гуниз мажбур я.

### Закятдин къадар

Закят-уль-фитІр - им чун яшамыш жезвай чкада виридалайни гзаф тІуьниз ишлемишзавай шейинин са' я. Чун авай имам Шафииндин, Аллагъ рази хъурай вичелай, мазгъабдай са са', им тахминан 2400 грамм жезва. Абу Саид аль-Худридилай, Аллагъ рази хъурай вичелай, атанвай гъадисда лугъузва: "Пайгъамбардин, Аллагъдин патай салам ва хийир-дуьа хъурай адаз, вахтунда чна, суварин юкьуз незвай тІуьникай 1 са' гудай. Чи тІуьн мух, хурмаяр, кишмишар ва шур тир".

Чи вахтунда виридалайни гзаф незвай шей къуьлуьн фу я. Гъавилий гъар садан паталай 2400 грамм къуьл гана кІанда. Амма чи вахтунда инсанри къуьл регъвен тийизвайвилай, чавай имам Абу Гъанифадин, Аллагъ рази хъурай вичелай, мазгъабдал бинеламиш хъана, 3250 грамм къуьлуьнин пул

гайитІани жеда. Амма гъа са вахтунда къуьл са'дин са пай гун бес я лугъузва. Гъаниз килигна мусурманривай адан са паюнин пул гайитІани жеда, гъакІни 2400 граммдин пул гайитІани, 3250 граммдин пул гайитІани, генани хъсан жеда. Алай вахтунда коронавирусдин къурхувал хъуниз килигна, алімри дистанционный жуьреда "Инсан" фондуниз пул вегъин меслят гъизва, яни закят-уль-фитІр гуз кІани инсанди фонд вескилвиле къазва ва адан счетдиз лазим тир пулдин къадар вегъизва. Адалай къулухъ фондуни адан закят игътияж авай инсанриз чпи пайзава.

Закят гудайла ихътин ният авун лазим я: "За жувалай (жуван уьмуьрдин юлдашдилай, хцелай, рушалай - абурун тІварар къуналди) ферз тир са'- закят-уль-фитІр Сад Аллагъдин тІварцІелди лайихлу инсанриз гузва". Эгер чна пул гуз хъайитІа, ният Абу Гъанифадин, Аллагъ рази хъурай вичелай, мазгъабдал асаслу хъана ийида.

### Закят низ гуда?

Закят фитІр чкадин кесибриз, къекъверагрис, рекъе авайбуруз, чІехи буржар алаз дарда авайбуруз ва мсб гуда. Эгер вун яшамыш жезвай чкада ахътинбур авачтІа, къунши хуьрера авайбуруз гуда. Гъар сада чарасуз рикІел хвена кІанда, закят-уль-фитІр анжах винидихъ къалурнавай инсанриз къевезва. Эгер а жергейрик акат

тийизвай инсанриз гайитІа, ганвай закят адетдин садакъадай жезва. Гъавилий ахътин инсандин хиве закят гун амукъзава.

### Закят гудай вахт

Закят-уль-фитІр Рамазан вацран гъар гъи юкьуз гайитІани жеда, амма суварин юкьуз экуьнин капІ авурдалай къулухъ, та суварин капІ къведалди гун хъсан я. Эгер суварин юкьуз рагъ акІидалди гун тавуртІа, а инсан гунагъдиз физва ва ада къазадиз фенвай закят пакад юкьуз хгун чарасуз я.

Гъуьрметлу мусурманар! Шукур хъуй дуьньйирин Халикъдиз. Эгер чна Аллагъди къалурнавай рекъелай алат тавуна, Шариатдин сергъятар хвейитІа, чи арада къекъверагарни кесибар амукъдач. Регъимлу Аллагъди чун са диндин стхаярни вахар авунва. Чун, амай пайгъамбарризни кІан хъайи, Мугъаммад Пайгъамбардин, Аллагъдин патай салам ва хийир-дуьа хъурай адаз, умматдикай я. Аллагъди халкънавай чан алай ва алачир шейэрикай виридалайни хъсан Пайгъамбардин, Аллагъдин патай салам ва хийир-дуьа хъурай адаз, умматдикай тир чна, кІеве авай чи диндин стхайриз Халикъди эцигнавай мажбури тир садакъа гана кІанда.

А. ЭМИРСУЛТАНОВ

## Ичкидин зарарлувал

Ичкидикай авай зияндикай ва менфятдикай духтурри ва патологоанатомри гъуьжетзава. Садлагъайбуру "сагъардай" къадарар ихтияр гузватла, къвед лагъайбуру къейдзава: инсандин беденди ички агъу хъиз къабулзава. Амма илимдин са манадин къарар анжах алай йисуз халкъдиз малумарна.

2018-йисан 23-августдиз илимдин "The Lancet" журналдин чинриз вичикай гзаф рахунар арадал гъидай макъала акъатна. Ихтилат лап члехи ахтармишуникай физва. Ана медицинадин 243 центрадай 512 алимди, духтурри ва эксперттри иштиракна. Халкъдиз малумарнавай ахтармишунрал асаслу яз, абурун бинеда 2016-йисуз дуьньядин вишелей гзаф уьлквейра инсанар къиникъин себебар ахтармишай делилар ава. Малум хъайивал, адакай анжах зиян хкатзава.

### Къиникъин саягъар

Гила чун тамамдиз килигин, ичкиди ам ишлемишзавайбуруз гъихътин къиникъин жуьреяр теклифзаватла.

**1. Са къадар вахтунда вичвичел, къил къилел алачиз хъун.** Ички - им са гъихътин ятлани себебралди гъеле ихтияр амай бейгъушардай агъу квай затла я. Эхъ, ишлемишайла, ада шадвал арадал гъизва, амма ихътин гъал яргъалди давам жезвач сятда, сятни зура. Ахпа ам хъвайи касдин гуьгъуьлар агъуз аватда, маса касдихъ галаз киклиз клан жеда ва зурба кичлевилинни къалабулудхин гъал къати жеда. Къецепатай жедай эсердиз бедендин жаваб (реакция), акъулди къабулдай фикир ийиз алакун ва икI мада агъуз жезва.

**2. Къак (рак) начагъвал.** Виридуьньядин сагъламвал хуьнин тешкилатди (ВОЗ) алатай йисуз авур докладдал асаслу яз, сивин къенин, нерин, клалхандин, яру ратунин, яцлу ратунин, члулав лекъинин ва



дишегълийрин некIедин цIумаруфдин къакунин арада сад-садахъ галаз алакъа ава.

4%-дилай 30%-дал фидалди къак себеб яз вири дуьньяда жезвай къиникъар ички хъунихъ галаз алакълу авуртла жеда (виридалайни гзаф гъалтзавай хурун къакунин рекъем 8% я).

Чехирдин бокалди хаталувилин дережа 4%-дин артухарзава, амма гъамиша хъваз хъайитла - 40-50%-див къван агакъзава (Бьянка Ногради. ВВС Future).

**3. МефтIедин клеткаяр терг хъун.** Гъатта са тIимил къадар ичкиди - гъа вирида лугъузвай чехирдин бокал гъатта бес я - цIийи хъжедай мумкинвал авачиз, са шумуд агъзур нейрон тергзава. Ам гъикI жезва? Ичкидик квай спиртди эритроцитар (ивидик квай яру паяр) сад-садал алкIурзава. Абуру лап шуькIуь ивидин дамарар кIевзава ва идакди, кислород бес тахъана, нейронар рекъизва. И клеткаяр мад цIийи хъжезвайди туш.

**4. Хкатна къутягъ тежезвай, гъамишан азарар артмиш хъун.** Духтурри ичкидин таъсир явашдиз таъсирзавай агъудихъ галаз гекъиззава: спирт паяриз чара хъайила, арадал къевзвай затлари

беден барбатIзава. Эхъ, къиникъин себеб ички жедач, месела, лекъинин цирроз ва я верем азар жеда. Амма вуч тафават ава?

**5. Спиртди генар эзмишда.** Ичкиди виче инсандикай ва адан несилрикай малуматар авай ДНК-дин къурулушда дегисвилер твазва. Акъул артмиш хъуна ян ганвай ва хайила набут тир 90% аялар гзаф ички хъвазвай инсанриз жезва.

**6. Эхирни вичикай гуя чехирдин бокалди "къутармишзавай" инфаркт азардал акъвазин.** Ички бедендик акахъайла, ам рикI вичин уьлкмеда чIехи хъунин себеб жезва. Адал къацлар арадал къевзва ва абур инфаркт хъунин себеб жезва.

Ибур ичкиди ам ишлемишзавай ксариз ийизвай чIуру таъсирдин, сагъламвилиз акси делилрин гъеле вири сиягъ туш. Гила статистикадин делилрал хквен.

### Рекъемри тапарарзавач

Гъам Россияда, гъам Европада зегъметдиз къабил яшара авай итимрин къиникъин дережадиз таъсирзавай къилин себеб - им хъвазвай ичкидин къадар я. Россиядин са десте алимри чпин нетижаяр Оксфорддин университетдин Alcohol



and Alcoholism газетда чапнава.

"Ички ишлемишун кьиникъар артухарун арадал гъизва, им ашкара тир. Чаз килигиз к'анзавай, и карди масабурухъ галаз гекъигайла, гьик' к'валахзават'а ва "бедбахтвили кьадарриз" кьимет гуз к'анзавай", - гъавурда туна ахтармишунин регъбер, ВШЭ-дин яшайишдинни политикадин дестабилизациядин хаталувилерин мониторингдин лабораториядин регъбер тир Андрей Коротаева. Идалайни гъейри, зегъметдиз къабил яшара авай итимрин десте - асул дибдалди ички ишлемишзавайбур - чара авун кьет'на.

"Гзаф хъвазвай" "чехирдинни пиводин зулунин" уьлквейра, месела, Португалияда (гзаф яру чехир к'андай чкада) ва Германияда (пиводал гзаф рик' алай), мусурманрин кесиб Албаниядила

итимрин кьиникъ са кьадар гзаф я. Албанияда тахсиркарвилерин кьадар гзаф я, амма пиянбур авач.

Ингъе илимдин The Lancet журналда чапнавай ахтармишунай къачунвай са к'ус: "Ички ишлемишун начагъвилер арадал атунин хаталувалавай кьилин себеб я ва ада сагъламвал хейлин зайифарзава. Чаз малум хъана хъи, ички ишлемишунин кьадар артух хъайила, кьиникъин хаталувал (вири себебрики) ва кьилди къачурт'а, къакунин азаррикди гзаф жезва. Сагъламвал зайиф хъун лап т'имиларзавай ички ишлемишунин кьадар нулдиз барабар я. И нетижайри вири дуньяда ичкидихъ галаз тухузвай женгинин сиясатдиз ц'ийи кьилелай килиг хъувунин чарасузвал авайдакай ва халкъди ам ишлемишун т'имиларунин карда къуватар эцигна к'анзавайдан

жигъетдай шагъидвалзава".

**КЪЕИД:** The Lancet - виридалайни куьгъне ва кесерлу илимдин медицинадин журналрикай сад я. 1823-йисуз адан бине кутурди ингилис хирург Томас Уокли я. The Lancet журналдин импакт-фактор - са тайин вахтунда илимдин журналдин макъалаяр гъунин фадвал къалурзавай лишан - алай вахтунда 53-даз барабар я. И лишандай журнал умуми хиле илимдин журналрин арада The New England Journal of Medicine журналдила кьулухъ 2 - чкадал ала.

Гъасан АМАХАНОВ,  
"Ас-Салам" газетдин рекдактор

"Лезги газетдай"

## ПРОКУРАТУРА РАЗЪЯСНЯЕТ

# Судебный штраф

Уголовно-процессуальный кодекс Российской Федерации предусматривает возможность освобождения лица, виновного в совершении преступления, от уголовной ответственности с назначением судебного штрафа.

Институт судебного штрафа как мера уголовно-правового характера начал действовать в российском законодательстве относительно недавно - с июля 2016 года.

За небольшой промежуток времени действия данная новелла показала свою востребованность в правоприменительной практике. С момента его введения до настоящего времени судами по Республике Дагестан судебный штраф назначен более 2 тыс. лицам.

### Так что же такое судебный штраф?

Судебный штраф - денежное взыскание, назначаемое судом при освобождении лица от уголовной ответственности в случаях, предусмотренных статьей 76.2

Уголовного кодекса РФ (далее УК РФ).

В данном случае такая форма освобождения от уголовной ответственности как судебный штраф не является уголовным наказанием и не влечет за собой судимость.

Освобождение от уголовной ответственности с назначением судебного штрафа возможно при наличии следующих условий: лицо впервые совершило преступление небольшой или средней тяжести, возместило ущерб или иным образом загладило причиненный преступлением вред

Преступлениями небольшой тяжести признаются деяния, за совершение которых максимальное наказание не превышает 3 лет лишения свободы, а преступлениями средней тяжести признаются умышленные деяния, за совершение которых максимальное наказание не превышает 5 лет лишения свободы, и неосторожные деяния, за совершение которых максимальное наказание не

превышает 3 года лишения свободы.

Впервые совершившим преступление считается лицо, совершившее одно или несколько преступлений ни за одно из которых оно ранее не было осуждено; предыдущий приговор в отношении которого на момент совершения нового преступления не вступил в законную силу; которое ранее было освобождено от уголовной ответственности.

Под ущербом понимается имущественный вред, который может быть возмещен в натуре, например, возврат похищенного имущества или его компенсация в денежной форме. В свою очередь под заглаживанием вреда понимается имущественная, в том числе денежная, компенсация морального вреда, оказание какой-либо помощи потерпевшему, принесение ему извинений, а также принятие иных мер, направленных на восстановление нарушенных в



результате преступления прав потерпевшего.

Различного рода обещания, а также иные обязательства лица, совершившего преступление, возместить ущерб или загладить вред в будущем не дает право на освобождение его от уголовной ответственности.

Способы возмещения ущерба должны носить законный характер и не ущемлять права третьих лиц, а также может быть возмещен не только лицом, совершившим преступление, но и по его просьбе (с его согласия) другими лицами.

Минимальный размер судебного штрафа законом не конкретизирован, в тоже время он не может превышать половины максимального размера штрафа, предусмотренного соответствующей санкцией статьи УК РФ. В случае, если штраф статьей УК РФ не предусмотрен, его размер не может быть более 250 тыс. руб.

Размер судебного штрафа определяется судом с учетом тяжести совершенного преступления и имущественного положения лица, освобождаемого от уголовной ответственности, и его семьи, а также с учетом возможности получения указанным лицом заработной платы или иного дохода.

При назначении судебного штрафа уголовное дело и уголовное преследование в отношении виновного лица подлежит прекращению. Это возможно как на стадии предварительного расследования, так и в суде.

Если в ходе расследования уголовного дела будет установлено, что имеются основания для прекращения уголовного дела или уголовного преследования в отношении подозреваемого, обвиняемого, то следователь с согласия руководителя следственного органа или дознаватель с согласия прокурора выходят в суд с ходатайством о прекращении

уголовного дела в отношении виновного лица и назначении ему судебного штрафа.

Данное ходатайство рассматривается судом в течении 10 суток с момента его поступления в суд, с обязательным участием подозреваемого, обвиняемого и его защитника, потерпевшего и прокурора.

При соблюдении всех условий для применения судебного штрафа, судом определяется его размер и порядок уплаты, а также срок, в течение которого виновное лицо обязано его оплатить. Постановление судьи может быть обжаловано сторонами в апелляционном порядке в вышестоящий суд.

Как показала практика, суды назначают различные сроки для уплаты штрафа - от 10 дней до 3 месяцев.

Контроль за исполнением судебного штрафа возлагается на судебного пристава-исполнителя. Если по истечении 10 календарных дней со дня окончания срока уплаты судебного штрафа у пристава-исполнителя отсутствуют сведения об уплате должником соответствующих денежных сумм, то он направляет в суд представление об отмене меры уголовно-правового воздействия и о решении вопроса о привлечении лица к уголовной ответственности.

В указанном случае суд отменяет постановление о назначении судебного штрафа и направляет материалы руководителю следственного органа или прокурору для осуществления уголовного преследования виновного лица в общем порядке.

В случае неуплаты судебного штрафа в установленный судом срок судебный штраф отменяется и лицо привлекается к уголовной ответственности по соответствующей статье Особенной части УК РФ.

**Мисбах НАЗИРОВ**, прокурор  
Докузпаринского района

**«ГОЛОС ЭРЕНЛАРА»**

2001-йисан  
ноябрдилай акъатзава

**Тениклайди:**  
Докузпара райондин  
администрация,  
Дагъустан Республика

**Учредитель:**  
Администрация Докузпаринского  
района, Республика Дагестан

**Къилин редактор:**  
А.Э.ЭМИРСУЛТАНОВ

**Жавабдар секретарь:**  
В.С.АГЪАМУРАДОВ

**Хусуи корреспондент:**  
Ш.О.ШАГЪБАЛАЕВ

**Корректор:**  
Ш.О.ШАГЪБАЛАЕВ

**Верстка авурди:**  
КЪ.В.АГЪАМИРЗОЕВ

**Газетдин индексар:**  
Зур йисан къимет - 278 м.  
Йисан къимет - 556 м.

**Чандиз вахкай вахт:** 14:00  
**Чапзавай вахт:** 17:00

Тираж 432

*Редакциядинни макъалайрин  
авторрин фикирар сад тахъун  
мумкин я. Макъалайрин делилрин  
дуъзвилил патахъай жвааб  
авторри чни гуда. Макъалайриз  
рецензия гузвач ва абур элкъвена  
вахкузвач. Мадни, чпин  
макъалайра дегинвилер тунал,  
къилер дегиншунал рази тушир  
мухбиривай чна абур  
редакциядиз ракъур тавун  
таглабзава.*

*Газета зарегистрирована  
Управлением Федеральной  
службы по надзору в сфере связи,  
информационных технологий и  
массовых коммуникаций по  
Республике Дагестан*

Регистрационный  
номер ПИ №ТУ5 - 00256  
от 14 июня 2013 г.

Редакциядин,  
издательстводин ва  
типографиядин адрес:

368750, Докузпара  
район, Усугъчай хуър,  
тел.+7 (8722) 55-14-61  
e-mail:  
golos-erenlara@mail.ru  
Чи сайт: www.erenlar.ru

